

845

Na osnovu člana 31. Zakona o bankama ("Službene novine Federacije BiH", broj 39/98) i člana 18. Zakona o privatizaciji banaka ("Službene novine Federacije BiH", br. 12/98, 29/00 i 37/01), Federalno ministarstvo finansija-Federalno ministarstvo finansija, donosi

RJEŠENJE**O RAZRJEŠENJU UPRAVNOG ODBORA PRIVREDNE BANKE d.d. SARAJEVO**

I

Razrješavaju se dužnosti predsjednika i članova Upravnog odbora Privredne banke d.d. Sarajevo:

1. FUAD PURIŠEVIĆ, predsjednik,
2. FARIDA TIČIĆ, član,
3. ALIJA ČELIKOVIĆ, član,
4. SMAJO ABAZA, član,
5. SADIJA ČAUŠEVIĆ, član.

II

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 01-05-8936/01

11. decembra/prosinca 2001. godine Ministar
Sarajevo prof. dr. Nikola Grabovac, s. r.

846

Na osnovu člana 31. Zakona o bankama ("Službene novine Federacije BiH", broj 39/98) i člana 18. Zakona o privatizaciji banaka ("Službene novine Federacije BiH", br. 12/98, 29/00 i 37/01), Federalno ministarstvo finansija-Federalno ministarstvo finansija, donosi

RJEŠENJE**O IMENOVANJU NADZORNOG ODBORA PRIVREDNE BANKE d.d. SARAJEVO**

I

Za predsjednika i članove Nadzornog odbora Privredne banke d.d. Sarajevo imenuju se:

1. NIKOLA STIJEPIĆ, predsjednik,
2. ŠKALJIĆ JUSUF, član,
3. TASO VASVIJA, član.

II

Nadzorni odbor iz tačke I ovog rješenja obavljat će funkcije u skladu sa Zakonom o bankama do završetka procesa privatizacije u skladu sa Zakonom o privatizaciji banaka.

III

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 01-05-8937/01

11. decembra/prosinca 2001. godine Ministar
Sarajevo prof. dr. Nikola Grabovac, s. r.

847

Na osnovu člana 31. Zakona o bankama ("Službene novine Federacije BiH", broj 39/98) i člana 18. Zakona o privatizaciji banaka ("Službene novine Federacije BiH", br. 12/98, 29/00 i 37/01), Federalno ministarstvo finansija-Federalno ministarstvo finansija, donosi

RJEŠENJE**O IMENOVANJU UPRAVNOG ODBORA PRIVREDNE BANKE d.d. SARAJEVO**

I

Za predsjednika i članove Upravnog odbora Privredne banke d.d. Sarajevo imenuju se:

1. ŠUNJIĆ MIRJANA, predsjednik,
2. HODŽIĆ EDISA, član,
3. HALILOVIĆ AHMED, član,
4. FLIPOVIĆ ENES, član,
5. MARIĆ LJERKA, član.

II

Upravni odbor iz tačke I ovog rješenja obavljat će funkcije u skladu sa Zakonom o bankama do završetka procesa privatizacije u skladu sa Zakonom o privatizaciji banaka.

III

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 01-05-8938/01

11. decembra/prosinca 2001. godine Ministar
Sarajevo prof. dr. Nikola Grabovac, s. r.

FEDERALNO MINISTARSTVO PRAVDE**848**

Na osnovu člana 24. stav 1. Zakona o slobodi pristupa informacijama u Federaciji Bosne i Hercegovine ("Službene novine Federacije", broj 32/01), federalni ministar pravde, donosi

UPUTSTVO**ZA PROVOĐENJE ZAKONA O SLOBODI PRISTUPA INFORMACIJAMA U FEDERACIJI BOSNE I HERCEGOVINE**

1. Ovim uputstvom uređuju se pitanja koja treba da doprinesu efikasnijoj primjeni Zakona o slobodi pristupa informacijama u Federaciji Bosne i Hercegovine ("Službene novine Federacije BiH", broj 32/01 - u daljem tekstu: Zakon), a odnose se na određivanje visine troškova umnožavanja informacija, te druga pitanja koja doprinose pravilnijem postupanju u primjeni tog zakona.

2. Pod pojmom "informacija pod kontrolom javnog organa" u smislu člana 1. tačke 1. Zakona, podrazumijeva se svaka činjenica, mišljenje, podatak ili bilo koji drugi sadržaj koji je u posjedu javnog organa, bez obzira da li je taj organ sačinio ili pribavio tu informaciju za svoje potrebe ili za potrebe drugog javnog organa ili pravnog lica.

3. Pod javnim organom, u smislu člana 3. tačke 2. Zakona, podrazumijevaju se:

- organ zakonodavne vlasti: Parlament Federacije Bosne i Hercegovine, zakonodavno tijelo kantona, gradsko i općinsko vijeće;
- organ izvršne vlasti: predsjednik i potpredsjednik Federacije, Vlada Federacije, predsjednik kantona, vlada kantona, gradski i općinski načelnik;
- organ sudske vlasti: sudovi Federacije, kantonalni i općinski sudovi;
- organ uprave: federalna i kantonalna ministarstva, federalne i kantonalne uprave i ustanove (direkcije i zavodi), te gradske i općinske službe za upravu;
- pravno lice sa javnim ovlaštenjima koje je osnovano u skladu sa Zakonom: privredna društva odnosno preduzeća, ustanove i druga pravna lica kojima je zakonom ili propisom gradskog i općinskog vijeća povjereno vršenje javnih ovlaštenja u smislu čl. 27. do 31. Zakona o upravi u Federaciji Bosne i Hercegovine ("Službene novine Federacije BiH", broj 28/97);
- pravno lice koje je u vlasništvu ili pod kontrolom Federacije, kantona, grada ili općine ili nad čijim radom javni organ vrši nadzor: a) javna preduzeća i javne ustanove, b) ustanove i druga pravna lica koja sredstva za rad u cjelosti ili djelimično primaju iz budžeta Federacije, kantona, grada ili općine, kao i privredna društva u čijem kapitalu pretežnim dijelom učestvuje Federacija, kanton, grad ili općina i c) privredna društva,

ustanove i druga pravna lica nad čijim radom javni organ uprave vrši nadzor u smislu člana 15. stav 2. tačka 2. Zakona o upravi u Federaciji Bosne i Hercegovine.

4. Javni organ ne može utrditi da određena vrsta informacija nije dostupna javnosti, već je u svakom konkretnom slučaju dužan da utvrdi da li postoje Zakonom utvrđeni izuzeci od saopćavanja informacije, te da li i pored tih izuzetaka postoji javni interes da se ta informacija saopći (čl. 5. do 9. Zakona).

5. Cijena troškova umnožavanja zahtijevane informacije, u skladu sa odredbom člana 16. Zakona, iznosi:

- 0,50 KM za svaku stranicu standardne veličine koja prelazi 10 (deset) prvih besplatnih stranica;
- 5 KM po disketi za elektronsku dokumentaciju.

6. Javni organ odredit će službenika koji će primati uplate za troškove iz tačke 5. ovog uputstva i o tom izdati odgovarajući priznanicu. Za tu svrhu izrađuju se odgovarajuće priznanice, čiji jedan dio zadržava navedeni službenik radi kontrole izvršenih uplata, a drugi dio predaje licu koje je izvršilo uplatu.

7. U cilju blagovremenog početka primjene Zakona, rukovodilac javnog organa će preduzeti odgovarajuće mjere da se izvrše slijedeće radnje:

- najkasnije do 25. januara 2002. godine rješenjem odrediti službenika za informiranje koji će neposredno obrađivati zahtjeve za pristup informacijama u skladu sa članom 19. Zakona. Kopija rješenja dostavlja se Ombudsmenu Federacije, s tim što u rješenju treba navesti i slijedeće podatke: adresu javnog organa, broj telefona i broj sobe službenika za informiranje;
- najkasnije do 25. januara 2002. godine izraditi Vodič i Indeks registar (član. 20. tač. 1. i 2. Zakona) i najkasnije do kraja januara 2002. godine dostaviti: Ombudsmenu Federacije, svim općinskim bibliotekama u Federaciji, bibliotekama Pravnog fakulteta u Sarajevu, Pravnog fakulteta Univerziteta u Mostaru, Pravnog fakulteta Sveučilišta u Mostaru i Pravnog fakulteta u Bihaću, te Vodič i Indeks registar po mogućnosti objaviti putem Interneta.

8. U smislu člana 20. tačka 3. Zakona javni organ je dužan da podatke za prvo tromjesečje dostavi Parlamentu Federacije i Ombudsmenu Federacije početkom maja 2002. godine.

9. Javni organ dužan je da Vodič, Indeks registar, tromjesečne podatke i godišnji izvještaj (član 20. tačka 4 izradi u dovoljnom broju primjeraka, kako bi bez naknade bili dostupni svim zainteresovanim licima u prostorijama javnog organa (u pisarnici i/ili kod službenika za informiranje).

10. Ovo uputstvo stupa na snagu narednog dana od dana objavljivanja u "Službenim novinama Federacije BiH".

Broj 01-293-2/2000

15. decembra 2001. godine
Sarajevo

Ministar
Zvonko Mijan, s. r.

Na temelju članka 24. stavak 1. Zakona o slobodi pristupa informacijama u Federaciji Bosne i Hercegovine ("Službene novine Federacije BiH", broj 32/01), federalni ministar pravde, donosi

NAPUTAK

ZA PROVEDBU ZAKONA O SLOBODI PRISTUPA INFORMACIJAMA U FEDERACIJI BOSNE I HERCEGOVINE

1. Ovim naptukom uređuju se pitanja koja trebaju doprinijeti učinkovitoj primjeni Zakona o slobodi pristupa informacijama u Federaciji Bosne i Hercegovine ("Službene novine Federacije BiH", broj 32/01 - u daljnjem tekstu: Zakon), a odnose se na određivanje visine troškova umnožavanja informacija, te druga pitanja koja doprinose pravilnijem postupanju u primjeni tog zakona.

2. Pod pojmom "informacija pod kontrolom javnog organa" u smislu članka 1. tačke 1. Zakona, podrazumijeva se svaka

činjenica, mišljenje, podatak ili bilo koji drugi sadržaj koji je u posjedu javnog organa, bez obzira da li je taj organ sačinio ili pribavio tu informaciju za svoje potrebe ili za potrebe drugog javnog organa ili pravne osobe.

3. Pod javnim organom, u smislu članka 3. tačke 2. Zakona, podrazumijevaju se:

- organ zakonodavne vlasti; Parlament Federacije Bosne i Hercegovine, zakonodavno tijelo kantona, gradsko i općinsko vijeće;
- organ izvršne vlasti: predsjednik i dopredsjednik Federacije, Vlada Federacije, predsjednik kantona, vlada kantona, gradski i općinski načelnik;
- organ sudbene vlasti: sudovi Federacije, kantonalni i općinski sudovi;
- organ uprave; federalna i kantonalna ministarstva, federalne i kantonalne uprave i ustanove (direkcije i zavodi), te gradske i općinske službe za upravu;
- pravna osoba sa javnim ovlaštenjima koja je utemeljena sukladno zakonu: gospodarska društva odnosno poduzeća, ustanove i druge pravne osobe kojima je zakonom ili propisom gradskog i općinskog vijeća povjerenost vršenje javnih ovlaštenja u smislu čl. 27. do 31. Zakona o upravi u Federaciji Bosne i Hercegovine ("Službene novine Federacije BiH", broj 28/97);
- pravna osoba koja je u vlasništvu ili pod kontrolom Federacije, kantona, grada ili općine ili nad čijim radom javni organ vrši nadzor: a) javna poduzeća i javne ustanove, b) ustanove i druge pravne osobe koja sredstva za rad u cjelosti ili djelimično primaju iz Proračuna Federacije, kantona, grada ili općine, kao i gospodarska društva u čijem kapitalu pretežnim dijelom učestvuju Federacija, kanton, grad ili općina i c) gospodarska društva, ustanove i druge pravne osobe nad čijim radom javni organ uprave vrši nadzor u smislu članka 15. stavak 2. tačka 2. Zakona o upravi u Federaciji Bosne i Hercegovine.

4. Javni organ ne može utrditi da određena vrsta informacija nije dostupna javnosti, već je u svakom konkretnom slučaju dužan da utvrdi da li postoje Zakonom utvrđeni izuzeci od saopćavanja informacije, te da li i pored tih izuzetaka postoji javni interes da se ta informacija saopći (čl. 5. do 9. Zakona).

5. Cijena troškova umnožavanja zahtijevane informacije, sukladno odredbi članka 16. Zakona, iznosi:

- 0,50 KM za svaku stranicu standardne veličine koja prelazi 10 (deset) prvih besplatnih stranica;
- 5 KM po disketi za elektronsku dokumentaciju.

6. Javni organ odredit će službenika koji će primati uplate za troškove iz tačke 5. ovog naptuka i o tome izdati odgovarajući priznanicu. Za tu svrhu izrađuju se odgovarajuće priznanice, čiji jedan dio zadržava navedeni službenik radi kontrole izvršenih uplata, a drugi dio predaje osobi koja je izvršila uplatu.

7. U svrhu pravodobnog početka primjene Zakona, rukovoditelj javnog organa preduzet će odgovarajuće mjere da se izvrše slijedeće radnje:

- najkasnije do 25. siječnja 2002. godine rješenjem odrediti službenika za informiranje koji će neposredno obrađivati zahtjeve za pristup informacijama sukladno članku 19. Zakona. Kopija rješenja dostavlja se Ombudsmanu Federacije, s tim što u rješenju treba navesti i slijedeće podatke: adresu javnog organa, broj telefona i broj sobe službenika za informiranje;
- najkasnije do 25. siječnja 2002. godine izraditi Vodič i Indeks registar (članak 20. tač. 1.12. Zakona) i najkasnije do kraja siječnja 2002. godine dostaviti: Ombudsmanu Federacije, svim općinskim knjižnicama u Federaciji, knjižnicama Pravnog fakulteta u Sarajevu, Pravnog fakulteta Univerziteta u Mostaru, Pravnog fakulteta Sveučilišta u Mostaru i Pravnog fakulteta u Bihaću, te Vodič i Indeks registar po mogućnosti objaviti putem Interneta,